



# INATSISARTUNUT

## qinersineq



1	Qinersinermi tunngaviusut .....	4
2	Qinersisoqarnissaanik nalunaaruteqartoqarnera .....	6
3	Kina qinigassanngortissinnaava kinalu qinersisinnaava..	10
4	Qinersisartut allattorsimaffiat qinersiviillu.....	16
5	Inissitsiterneq.....	20
6	Qinersinerit inernerinut takussutissiat .....	24

Maanna siusinnerusukkullu qinersisarnerni inernerit takorusuk-  
kukkit iserfigiuk [qinersineq.gl](http://qinersineq.gl).

Saqqaaani assiliartat:

Ulloq 28. november 2014 bussit unittarfiani allagartarsuit qineqqusaarutit;  
ulloq 3. december 2013 Katuap saavani Kalaallit Nunaata erfalasua; ulloq  
12. marts 2013-imi Katuami taasivik.

Inatsisartut Allattoqarfianit saqqummersinneqartoq  
Marsi 2018

Assiliartat: Inatsisartut Allattoqarfiat

Inatsisartut Allattoqarfiat · Postboks 1060 · 3900 Nuuk  
[inatsisartut@inatsisartut.gl](mailto:inatsisartut@inatsisartut.gl) · [www.inatsisartut.gl](http://www.inatsisartut.gl)

# Kapitali 1



## Qinersinermi tungaviusut

Kalaallit Nunaanni aqutseriaaseq tassaavoq sinniisoqarluni tamat oqartussaaqataanerat ilaatigut aalajangersimasumik akunnilimmik qinersisoqartarneranik ilisarnaatilik. Tamat oqartussaaqataaneranni nunap inatsisiliortuinut, Inatsisartunut, ilaasortanik 31-nik qinersisoqartarpoq.

Inatsisartunut ilaasortat nalinginnaasumik, toqqaannartumik, pituttorsimangitsumik, naligiimmik isertortumilluunniit taasinikkut qi-nerneqartarput.

Nalinginnaasumik isumaqarpoq innuttaasut kikkulluunniit qinersisarnermut inatsimmi piumasaqaatinik eqquutsitsisut qinersisinnaasut aammalu qinersinermi qineqqusaartutut sassarsinnaasut.


Toqqaannartumik isumaqarpoq partii kattusseqatigiilluunniit qinerusutaq taasinermi allaffissamut toqqaannartumik qinerneqartarsinnaasoq.

Pituttorsimangitsumik isumaqarpoq qinersisartut partii kattusseqatigiilluunniit sorleq qinerusunnerlugu namminneq aalajangersinnaagaat.

Naligiimmik isumaqarpoq qinersisartut tamarmik inerniusumut assigiimmik sunniuteqarsinnaasut.

Isertortumik isumaqarpoq allat qanoq taasisimanersut kimilluunniit nakkutigineqarsinnaanngitsoq.

# Kapitali 2



## Qinersisoqarnissaanik nalunaaruteqarneq

### QINERSINERMI INATSISITIGUT TUNNGAVIUSUT

Inatsisartunut qinersisarneq pillugu Inatsisartut inatsisaat nr. 9, 31. oktober 1996-imeersoq Inatsisartut inatsisaatigut nr. 10, 30. oktober 1998-imeersukkut aammalu Inatsisartut inatsisaatigut nr. 21, 3. december 2012-imeersukkut allangortinneqartukkut Inatsisartunut qinersisarneq malittarisassaqartinneqarpoq.

### QAQUGU QINERSISOQASSAVA?

Inatsisartunut ilaasortat piffissamut ukiunut sisamanut qinerneqartarput. Piffissap qinigaaffiusup atuuffia ulloq qinersiffiusumit aallartittarpoq.

Nalinginnaasumik qinersineq qinersisarnemut inatsimmi § 6, imm. 3 aammalu Inatsisartut Naalakkersuisullu pillugit Inatsisartut inatsisaat naapertorlugit Naalakkersuisut Siulittaasuannit nalunaarutigineqartarpoq, taassumalu ulloq qinersiffissaq piffissap qinigaaffiusup atuuffiata naannginnerani pisussaq aamma aalajangertarlugu. Nalinginnaasumik qinersineq qanoq siusitsigisukkut ingerlanneqarsinnaanersoq inatsimmi aalajangersimasumik piffissalernerqanngilaq, piffissalli qinigaaffiusup atuuffiata naanissaa qaammatinik pingasunik sioqqullugu ingerlanneqarsinnaanera naatsorsuutigineqarluni.

Immikkut ittumik qinersineq ("Maanaanakkut qinersineq") nalunaarutigineqarsinnaavoq tamanna pillugu inatsimmik Inatsisartut akuersissutigineqarneratigut.

Naalakkersuisut Siulittaasuut Inatsisartut Naalakkersuisullu pillugit Inatsisartut inatsisaanni § 28 naapertorlugit Inatsisartut Naalakkersuisunut taakkunungaluunniit ilaasortamut tatiginnikunnaarnermik akuersisimappata maanaanakkut qinersinissamik nalunaaruteqarnissamut aamma periarfissaqarpoq. Tatiginninnginnermik nalunaaruteqarluni oqaluuserisassatut siunnersuummik akuersisoqarnerup saniatigut pisuni allani maanaanakkut qinersisoqarnissaanik nalunaaruteqarnissamut Naalakkersuisut Siulittaasuut periarfissaqanngilaq. Naalakkersuisut inatsisissatut aalajangiiffigisassatulluunniit siunnersuutaata itigartinneqarnera, Inatsisartut Naalakkersuisunut isornartorsiuinerat imaluunniit Naalakkersuisooqatigiit avissaarnerat tunngavissatut naammanngillat.

Naalakkersuisut Siulittaasuannut imaluunniit Naalakkersuisunut tamanut tatiginnikkunnaarnermik takutitsineq Inatsisartunit akuerineqarpat aammalu Naalakkersuisut Siulittaasuut nutaamik qinersisoqarnissaanik nalunaaruteqarusunngippat Inatsisartunut nutaamik qinersinerup kingorna periutsit assingi malillugit Naalakkersuisunik nutaanik

Inatsisartut qinersissapput. Naalakkersuisut nutaat pilersinneqarsinnaanngippata Inatsisartut immikkut inatsisaat malillugu nutaamik immikkut qinersinissamik Inatsisartut nalunaaruteqartariaqalersinnaapput.

Qinersisoqarnissaanik nalunaaruteqartoqareernerani siusinnerpaamik sapaa-tit akunnerisa arfinillit kingorna aatsaat qinersineq ingerlanneqarsinnaavoq. Qinersisoqarnissaanik nalunaaruteqartoqarnerata aammalu qinersinerup ingerlanneqarnerata akornanni piffissap sivirusunerup ingerlasinnaaneranut tunngaviumik akornutissaqanngilaq.

## QINERSISOQARNISSAANIK NALUNAARUTEQARTOQARNERATA KINGORNA

Qinersisoqarnissaanik nalunaaruteqartoqarnerani Inatsisartut nalinginnaasumik sulinerat unittarpoq. Inatsisit aalajangiiffigisassatullu siunnersuutit kiisalu apeqquteqaat aallaavigalugu oqallisissiat naammassillugit suliarineqanngitsut tamarmik qinersisoqarnissaanik nalunaaruteqartoqarnerani atorunnaartarput. Ataasiakkaat minillugit ataatsimiititaliani suliat aamma taamaattarput.

Taamaalluni piffissap qinersiviusussap tungaanut ataatsimiititaliani aallaaviatigut suliaqartoqarneq ajorpoq. Aningaasaqarnermut Ataatsimiititaliaq eqqarsaatigalugu pissutsit immikkut ittut atuupput, tassa aningaasaliisuteqarnissamik suliasat naalakkersu-nermut tunngasumik imaqqanngitsut kisimik ataatsimiititaliamit suliarineqarsinnaapput, taakku inuiaqatigiit

ingerlanneqarnerat eqqarsaatigalugu kinguartinneqarsinnaanngippata tamanalu ataatsimiititaliamit tamarmiusumit isumaqatigineqarpat.

Tamatuma peqatigisaanik Inatsisartut Naalakkersuisunik nutaanik qinersinissaasa tungaanut Naalakkersuisut sulinertik ingerlatiinnassavaat. Naalakkersuisuugallartut suliat ingerlasut ingerlaannarnissaannut pisariaqartunik taamaallaat suliaqarsinnaapput.

Inatsisartunut nutaamik qinersineq aamma Naalakkersuisunik atuukkunnaarsitsineq pillugit aalajangersakkat Inatsisartut Naalakkersuisullu pillugit inatsimmi kapitali 6-imi allassimapput.

## QINERSINERUP NALINGINNAASUMIK INGERLANNEQARNERAKIAP ISUMAGISSAVAA?

Nunami namminermit pissutsinut immikkoortortaqqarfiup Naalakkersuisut naalakkersuisoqarfiisa ilaanniittup qinersinerup nalinginnaasumik ingerlanneqarnera akisussaaffigaa.

Nunami namminermit pissutsinut immikkoortortaqqarfiup qinersinermi inatsisiliorneq isumagisarai Qinersinermullu Ataatsimiititaliamut allat-qarfiulluni.

Qinersinermut Ataatsimiititaliap Inatsisartunut qinersinermik siulersuinissaq suliasaraa, tassanilu Naalakkersuisut Siulittaasuata Naalakkersuisoqarfiani pisortaq, Kalaallit Nunaanni Kommunit Kattuffianni KANUKOKA-mi pisortaq aammalu biskoppi ilaasortaassallutik.

Inatsisartut Naalakkersuisullu pillugit Inatsisartut inatsisaat nr. 26, 18. november 2010-meersoq Inatsisartut inatsisaata nr. 12, ulloq 29. november 2013-imeersup malitsigisaanik allannguutitalik

### Kapitali 6

#### Inatsisartunut nutaamik qinersineq aamma Naalakkersuisunik atuukkunnaarsitsineq

§ 26. Naalakkersuisut siulittaasuut piffissap qinigaaffiup atuuffiata naannginnerani Inatsisartunut nutaamik qinersinissamik nalunaaruteqassaaq.

§ 27. Naalakkersuisut siulittaasuut imaluunniit Naalakkersuisunut ilaasortat ataasiakkaat Inatsisartunit tatigineqarunnaarpata Naalakkersuisut Inatsisartunit atuukkunnaarsinneqarsinnaapput.

*Imm. 2.* Naalakkersuisut siulittaasuut atuukkunnaarsinneqarpat Naalakkersuisut ataatsimoorlutik atuukkunnaassapput.

§ 28. Naalakkersuisut siulittaasuut § 27 naapertorlugu Naalakkersuisunut ilaasortamik imaluunniit Naalakkersuisunik tamarmiusunik Inatsisartut atuukkunnaarsitsisimappata Inatsisartunut nutaamik qinersisoqassasooq ingerlaannartumik nalunaaruteqarsinnaavoq.

§ 29. Naalakkersuisut atuukkunnaarsinneqarpata imaluunniit soraarnissaq qinnutigippassuk imaluunniit nutaamik qinersinissaq nalunaarutigineqarpat, Naalakkersuisut nutaat qinerneqarnissaasa tungaanut Naalakkersuisut atuukkallassapput. Naalakkersuisuugallartut atorfimmi suliasat ingerlaannarnissaannut pisariaqartunik taamaallaat suliaqarsinnaapput.

# Kapitali 3



## Kina qinigassanngortissinnaava, kinalu qinersisinnaava

### KINA QINIGASSANNGORTISSINNAAVA?

Qinersinissami qinigassanngortissinnaapput:

- Partiit, Inatsisartunut kingullermik qinersineqarmat Inatsisartuni ilaasortaataitaqalersimasut sulilu ilaasortaataitaqartut.
- Partiit nutaat kingusinnerpaamik sapaatit akunnerinik tallimanik sioqullugu Inatsisartunut qinersinermi kingullermi taasinerit atorsinnaataasut tamavimmik 1/31-iisa amerlaqataannik katersisimasut. 2013-imi marsimi qinersinermi taasinerit atorsinnaasut 29.873-iupput, taamalu 28. november 2014-imi qinersinissami partiit nutaat qinigassanngortinnissamut piumasaqaatit minnerpaaffissaat tassaalluni atsiornernik 964-inik katersisimansaq. Atsiornernik katersorneqartut ukiumit ataatsimit pisoqaanerussanngillat.
- Partiit avataatigut qinigassanngortittut ("kisimiillutik qinigassanngortittut") qinigassanngortitsisut ikinnerpaamik 40-t amerlanerpaamilu 50-it atsiornernik katersisimasut. Kinaluunniit qinigassanngortittunut arlalinnut qinigassanngortitsisuusinnaangilaq.
- Partiit avataanni kattusseqatigiit

aammalu ikinnerpaamik kattusseqatigiinnut qinigassanngortittumut ataatsimut qinigassanngortitsisut ikinnerpaamik 40-t amerlanerpaamilu 50-it atsiornernik katersisimasut. Kinaluunniit kattusseqatigiinni arlalinni ilaasortaaffeqarsinnaangilaq.

Kattusseqatigiit naalackersuinnut imminnut qanillutik kisimiillutik qinigassanngortittut aammalu ilaasortaaffiit agguataarneqarnerisa naatsorsorneqarneranni qinigassanngorteqatigiittut ataatsit isigineqartut akornanni pilerinneqarajupput. Pisut ilaanni tamatuma kingunerisinnaasarpaa kattusseqatigiinni peqataasut, kattusseqatigiissimannikkaluarunik pissarsiassaminnit katillugit amerlanerusunik ilaasortaataqalernerat. Peqataasut kattusseqatigiinnut ilaalernermikkut taamaallutik taasinerit kattusseqatigiinni qinigassanngortittunit pissarsiarineqartussat maanaannartarnerannik pisut ilaanni annikillisaasinnaapput.

Partii arlalinnik qinigassanngortitsisinnaavoq, taamaattorli amerlanerpaamik 62-inik. Partii sinnerlugu qinigassanngortittoq qinigassanngortittut allat peqatigalugit kattusseqatigiinni peqataasinnaangilaq. Qinigassanngortittut partiinut nalunaarsuiffimmi allassimasut partiimi oqartussaasunit, partiip malittarisassai malillugit Inatsisartunut qinersinermut qinigassanngortitsisinsamut akuersisartunit (assersuutigalugu

siulersuisuunernit) akuerineqassapput. Partiinut nalunaarsuiffiit nalunaarutigineqarneri tamarmiusut qinersinissaq sapaatip akunnerinik pingasunik sioq-qullugu kingusinnerpaamik nal. 12.00 kommunimi qinersinermi siulersuisunut tunniunneqarsimassapput.

Tamatuma tunngaviatigut kingunerissavaa piffissap qinersinissamik nalunaaruteqarfiusup aammalu qinigassanngortittunik partiinilluunniit nutaanik nalunaarutiginninnissamut ullup tunniussivissap kingulliup akornanni piffissaq sivisuneq ajormat.

Qinersisoqarnissaanik nalunaaruteqartoqarneranut atatillugu qinersinermut ataatsimiititaliamik qinersinermut siulersuisussamik pilersitsisoqassaaq, tassani ilaasortaassallutik Namminersorlutik Oqartussani pisortaaneq (siulittaasoq), Kalaallit Nunaanni Kommunit Kattuffianni KANUKOKA-mi pisortaq aammalu biskoppi. Taakku ilaatigut suliaasaaraat qinigassanngortittutut nalunaarutigineqartunik akuersissuteqarneq tamanullu saqqummiussineq. Qinersinerup kingorna qinersinermut ataatsimiititaliaq qinersineq pillugu nalunaarusiusaaq.

Nunatsinni kommunini sisamaasuni tamani qinersinerit qinersinermi siulersuisunit, tassaasunit kommunip borgmesteria aammalu ikinnerpaamik kommunalbestyrelsinut ilaasortat marluk, piareersarneqarlutillu siulersorneqassapput.

## "QINIGAASINNAANERMUT PIUMASAQAATIT"

Imaanngilaq kikkut tamarmik Inatsisartunut qinerneqarsinnaasut. Qinigaa-sinnaanermut piumasaqaatit makku naammassineqarsimassapput:

- Qinigassanngortittoq qinigassanngortissinnaassaguni nammineq qinersisinnaatitaassaaq (tassa imaappoq taasisinnaatitaassaaq).
- Qinigassanngortittoq nalinginnaasumik isigineqarnermi inatsisartunut ilaasortaannissamut naleqqukkunnaarsitsisumik inaarutaasumik eqqartuussinikkut akiliisitsissutisamilluunniit akuersinikkut pinerlututulerinermi inatsisit tunngavigalugit pineqaatissinneqarsimasuussanngilaq ("nalinginnaasumik isigineqarnermut piumasaqaatit").

Nalinginnaasumik isigineqarnermut piumasaqaat naammassineqarsimanersoq qinersinerup kingorna Qinigaaanerp Mi-sillinneqarnissaanut Ataatsimiititaliamit inassuteqaat malillugu Inatsisartunit aalajangiivigineqassaaq.

Qinigassanngortittoq inaarutaasumik eqqartuussinikkut akiliisitsissutissamilluunniit akuersinikkut pinerluttulerinermi inatsisit tunngavigalugit pineqaatissinneqarsimatilluni pineqartup qinersinermi qinigassanngortinnissamut taamaalilluni mattunneqanngilaq, tamatumali kingunerisinnaavaa qinersinerup inernera apeqqutaatinnagu qinigassanngortittup Inatsisartunut ilaasortanngornissaa akuerineqarsinnaanngimmat.

## KINA QINERSISINNAAVA?

Inatsisartunut qinersinermi peqataania-raanni qinersisartut allattorsimaffian-ni ilanngunneqarsimasariaqarpoq. Qinersisartut allattorsimaffiannut ilanngunneqarnissamut piumasaqaatit makkuupput:

- Qinersisartuq danskisut innuttaassuseqassaaq,
- Qinersisartuq kingusinnerpaamik ullormi qinersiffissami 18-inik ukioqalereersimassaaq,
- Qinersisartuq ullormi qinersiffissami Kalaallit Nunaanni aalajangersimasumik najugaqartuussaaq aammalu ulloq qinersiffissaq sioqqullugu Kalaallit Nunaanni sivikinnerpaamik qaammagini arfinilinni aalajangersimasumik najugaqartuussaalluni, aamma
- Qinersisartuq nammineersinnaajunnaarsitaasimassanngilaq.

## INUIT NUNANI ALLANIKKALLARTUT

Aamma inuit Kalaallit Nunaata avataaniikkallartut aammalu katissimallugit inooqatigisaat imaluunniit inuit katissimalluni aappariinnertut ilusilimmik inooqatillit sumi najugaqarnissamik piumasaqaat eqqaassanngikkaanni piumasarineqartut naammassimaganikkut Inatsisartunut qinersisinnaapput:

- Inuit ilinniagaqarlutik Kalaallit Nunaata avataanniittut.
- Inuit peqqinnissamut tunngasunik pissuteqarlutik Kalaallit Nunaata avataanniittut.

• Inuit Kalaallit Nunaanni qinigaallutik folketingimi ilaasortatut suliaqarnerminnut atatillugu Danmarkimiittut.

• Inuit Namminersorlutik Oqartussanut sinniisuullutik Kalaallit Nunaata avataanniittut.

• Inuit Kalaallit Nunaata avataanniittut, Kalaallit Nunaannullu attuumassuteqarnikkut inunnut siuliani taaneqartunut taaneqartunut sanillunneqarsinnaasut.

Taamaattoq inuit taaneqartut aatsaat nuunnginnerminni sivikinnerpaamik ukiuni marlunni Kalaallit Nunaanni inuit aqqisa nalunaarsorsimaffiini allassimasimaganik qinersisinnaapput. Qinersisartut allattorsimaffiannut ilanngunneq kommunimut qinersisartup Kalaallit Nunaanni kingullermik inuit aqqisa nalunaarsorsimaffianni nalunaarfigisimasaminut qinnuteqarnerata kingorna pissaaq.

Inuit taaneqartut Kalaallit Nunaannut utermermi qinersisartut allattorsimaffianni ilanngunneqarnissamut qinersiffissaq sioqqullugu Kalaallit Nunaanni sivikinnerpaamik qaammagini arfinilinni aalajangersimasumik najugaqarsimanissamut piumasaqaammut ilaatinneqanngillat.

## TAASINEQ

Najukkami qinersisarfirmut qinersisar-tup qinersisartut allattorsimaffianni allassimaffigisaminut nammineerluni ornigunneratigut imaluunniit allakkatigut qinersinikkut qinersisoqarsinnaavoq. Allakkatigut qinersineq qinersisoqarnissaanik nalunaaruteqartoqarnerata kingunitsiannua nalinginnaasumik

pisinnaavoq.

Inuit aqqinik nalunaarsuiffimmi allakkatigut taasisoqarsinnaavoq. Kommunit qinersisartut allattorsimaffiannut allanneqarfigisimasamut qinersisoqassaaq. Nunaqarfinnut atatillugu inuit aqqinik nalunaarsorsimaffimmik ingerlatsisup ikiortaanut allakkatigut qinersisoqarsinnaavoq. Qinersisartut inoqarfinni avinngarusimasuni najugaqartut inummut qinersisinnaasumut qinersinermi siulersuisunit attavigisaminnit toqqar-neqarsimasumut allakkatigut taasisinnaapput.

Aammattaaq napparsimmavinni peqqissartarfinnilu kiisalu pinerluuteqarsimasunik isumaginnittoqarfiup ataani suliffeqarfinni allakkatigut taasisoqarsinnaavoq.

Qinersisartut umiarsuarni Kalaallit Nunaanni angerlarsimaffeqartuniittut umiarsuup naalagaanit, taassumaluunniit toqqagaanit, taasisinneqarsinnaapput. Qinersisartut silasiorfinni mittarfinnilu il.il. kommunit aggornerisa avataanniit-tuni najugaqartut inummut Qinersinermut Ataatsimiititaliamit piginnaatitaasumut taasisinnaapput.

Qinersisartut Danmarkimiittut imaluunniit Savalimmiuniittut inuit aqqisa nalunaarsorsimaffianni imaluunniit Københavnimi Sinniisoqarfimmi taasisinnaapput.

Qinersisartut naalagaaffiup avataani najugaqartut qallunaat aallartitaqarfiini imaluunniit konsuleqarfiini taasisinnaapput.

Allakkatigut taasineq kommunit qinersisartup qinersisartut allattorsimaffianni allanneqarfigisimasaanut nas-siunneqassaaq. Allakkatigut taasineq taasiffimmi qinersisup qinersisartut allattorsimaffianni allanneqarfigisimasaani qinersinerup naannginnerani tigu-neqarsimassaaq. Taamaattumik piffissaalluartillugu allakkatigut taasisoqas-sasoq kaammattuutigineqarpoq.



## Kapitali 4



## Qinersisartut allattorsimaffiat qinersivillu

### QINERSISARTUT ALLATTORSI-MAFFII

Qinersinissaq nalunaarutigineqareeraangat qinersinermut ataatsimiititaliaq qinersisartut allattorsimaffiannik suliaqasaaq. Qinersisartut qinersisinnaansamut qinersisartut allattorsimaffianni ilanngunneqarsimasariaqarpoq piumasaqaatillu makku eqquutsinneqarsimassallutik:

Qinersisartuq qinersinissaq kingusinnerpaamik sap. akunnerinik arfinilinnik sioqqullugu kommunimut nuussimassaaq aammalu kingusinnerpaamik ulloq taanna nuunnerminnik kommunimi inuit aqqisa nalunaarsorsimaffiannut allatsissimasalluni,

Qinersisartut qinersinissaq kingusinnerpaamik sap. akunnerinik arfinilinnik sioqqullugu kommunip iluani nuussimasut aammalu kingusinnerpaamik ulloq taanna nuunnerminnik kommunimi inuit aqqisa nalunaarsorsimaffiannut allatsissimasut najugarilikkaminni allassimallutik qinersisartut allattorsimaffiannut ilanngunneqassapput,

Qinersisartut qinersinissaq sioqqullugu sap. akunnerisa arfinillit iluanni kommunimut allamut nuussimasut imaluunniit kommunip iluani allamut nuussimasut imaluunniit nuunnissaminnik kingusinnerpaamik ulloq taanna nalunaaruteqarsimasut ulloq taanna tikillugu najugarisamaminni najugalittut qinersisussat allattor-

simaffianni nalunaarsorneqassapput,

Qinersisartut Kalaallit Nunaat qimallugu najugaqalerallartut aammalu piumasaqatinik siuliani taaneqartunik eqquutsisut qinersinissaq sioqqullugu kingusinnerpaamik sap. akunnerisa arfinilissaanni tamanna pillugu qinersinermi siulersuisut aalajangiisimappata qinersisussat allattorsimaffiannut ilanngunneqassapput.

### NUNARPUT TAMARMI ATAATSI-MUT QINERSIVUVOQ

Kalaallit Nunaat 1998-imilli qinersivinnut ataasiakkaanut agguagaajunnaarpoq. Taamaalilluni nunarput qinersivuvoq ataasiinnaq, tamannalu qinersinnaatitaanerup tamanut naligiimmik atuunnissaanik periutsimut naapertuulluni. Taamatut ilusiliinnikut Inatsisartut sulineranni nuna tamakkerlugu naalakkersuinikkut pingaarnertut isiginiagasat siuarsarneqarnissaat kissaatigineqarpoq. Taamaalillutik Inatsisartunut ilaasortat najugartik salliutillugu naalakkersuinikkut suliaqartussaannigillat aammalu nunap immikkoortuini immikkut soqutigisanik erseqqissaateqarnatillu sinniisuffeqassanatik Kalaallit Nunaannullu tamarmut pitsaanerpaasussaq sulissutigisussaallugu.

## QINIGASSANNGORTITTOQ QAQUGUKKUT QINIGAASARPA?

Ullormi qinersiviusumi qinersinermi taasinernik kisitsineq nal. 20.00 aallar-tissaaq qinersinerullu inernerigallagaa unnuap qeqqata nalaani naammassine-qarajulluni. Pappiaqqat taasiviit kiseq-qissaarneqareerpata qinigassanngortit-tut sorliit qinerneqarnersut qularnaatsu-mik aatsaat oqaatigineqarsinnaasarpoq.

Qinersineq qinersinermut ataatsimiitita-liamit inaarutaasumik akuerineqassaaq. Tamanna pissaaq qinersinermut atortut qinersinermut siulersuisunit ataasiak-kaanit nassiunneqartut qinersinermut ataatsimiititaliamit misissorneqareer-pata. Qinersinerup atorsinnaassusia naammagittaalluutiginiaraanni tamanna pissaaq qinersinereermermi ullut arfineq marluk iluanni.

Taasinerit tamarmiusut inernerisa naat-sorsornerini partiinut qinigassanngor-tittunullu taasinerit ataatsimut naat-sorsorneqassapput. Tamatuma kingorna ilaasortaaffiit agguataarneqassapput d'Hondtip periaasia malillugu, tassa partii atasiakkaat, katusseqatigiit atasiakkaat kisimiillutillu qinigassan-ngortittut atasiakkaat taasisaasa katinneri 1-imik, 2-mik, 3-mik ilaasor-taasinnaasut amerlassusaat tikillugu agguartiterneqassapput. Siulliulluni ilaasortanngussaaq partii, katusseqatigiit imaluunniit kisimiilluni qinigas-sanngortittoq amerlanerpaamik taagorneqarsimasooq, qinersivimmi tulluilluni ilaasortanngussalluni partii, katusseqatigiit imaluunniit kisimiilluni qinigassanngortittoq, amerlanerpaamut tulluilluni taagunneqarsimasooq, taa-

malu pisoqaqattaassaaq inatsisartunut qinersivimmi pineqartumi ilaasortaaffis-sat tamakkernissaasa tungaannut.

Imm. 3. Ilaasortaaffiit partiimit katus-seqatigiiffimilluunniit ilaasortaaf-figineqalersussat partiip katusseqati-giiffiulluunniit qinigassanngortitaan-ut agguarneqassapput siulliulluni ilaasor-taasusanngorlugu qinigassanngortitaq amerlanerpaamik taagorneqarsimasooq, qinersivimmi tulluilluni ilaasortaasus-sanngorlugu qinigassanngortitaq amerlanerpaamut tulluilluni taagunne-qarsimasooq, taamalu pisoqaqattaassaaq inatsisartunut qinersivimmi pineqartumi partiip katusseqatigiiffimilluunniit pine-qartup ilaasortaaffissaasa tamakker-lutik agguanneqareernissaasa tungaan-nut.

Inatsisartunut qinersineq • 12. marts 2013 • Valg til Inatsisartut

Ataatsiminnarmik krydsilissioqassaaq • Una taavara / Jeg stemmer på / Set kun ét kryds

ATASSUT	INUIT ATAQATIGIIT	PARTII INUIT
<input type="checkbox"/> ATASSUT	<input type="checkbox"/> INUIT ATAQATIGIIT	<input type="checkbox"/> PARTII INUIT
<input type="checkbox"/> Abelsen, Jacob Tasiliq	<input type="checkbox"/> Abelsen, Malina Nuk	<input type="checkbox"/> Broberg, Randi Nuk
<input type="checkbox"/> Cortzen-Blytmann, Aksel Nuk	<input type="checkbox"/> Adolfsen, Nukannuguaq Namortak	<input type="checkbox"/> Christensen, Peter Nuk
<input type="checkbox"/> Fleischer, Knud Ballisat	<input type="checkbox"/> Aronsen, Hans Kangeritsoq	<input type="checkbox"/> Johansen, Abigael Mikaelson Nuk
<input type="checkbox"/> Grim, Karl-Peter Upernavik Kalliaq	<input type="checkbox"/> Barthelsen, Kelly Qaqortoq	<input type="checkbox"/> Korneliusson, Villads Qaasat
<input type="checkbox"/> Heilmann, Erik H.K. Nuk	<input type="checkbox"/> Barthelsen, Olga Poulsen Nuk	<input type="checkbox"/> Kristiansen, Adolf Tasiliq
<input type="checkbox"/> Heilmann, Siverth K. Manitoq	<input type="checkbox"/> Barthelsen, Ove Karl Nuk	<input type="checkbox"/> Lange, Frederik Nuk
<input type="checkbox"/> Heilmann, Uthilie Nuk	<input type="checkbox"/> Barthelsen, Qulutannuguaq Nuk	<input type="checkbox"/> Lange, Jens Peter Ballisat
<input type="checkbox"/> Jensen, Margrethe Kruse Nuk	<input type="checkbox"/> Bianco, Harald Tasiliq	<input type="checkbox"/> Lyberth, Ulrik Maki Siमित
<input type="checkbox"/> Jessen, Paorninguaq* Johnsen Nuk	<input type="checkbox"/> Bianco, Tobias Tasiliq	<input type="checkbox"/> Lyng, Mette Nuk
<input type="checkbox"/> Kleemann, Knud Upernavik	<input type="checkbox"/> Brandt, Aviaq Nuk	<input type="checkbox"/> Mathiasen, Lars P. Nuk
<input type="checkbox"/> Kristiansen, Armanguaq* Aasiat	<input type="checkbox"/> Broberg, Bia A. Qaqertarsuaq	<input type="checkbox"/> Mikaelson, Lars Bianco Kuluuk
<input type="checkbox"/> Kristiansen, Knud Upernavik	<input type="checkbox"/> Brummerstedt, Henrik Namortak	<input type="checkbox"/> Melgaard, Jens Peter Manitoq
<input type="checkbox"/> Kruse, Paminguaq* M. Siमित	<input type="checkbox"/> Davidsen, Lasse Qaqortoq	<input type="checkbox"/> Oisen, Markus E. Ballisat
<input type="checkbox"/> Kuko, Maja Hay Tasiliq	<input type="checkbox"/> Edvardtsen, Anga Peter Narsaq	<input type="checkbox"/> Oisen, Nikku Nuk
<input type="checkbox"/> Lerch, Mette Sofia Siमित	<input type="checkbox"/> Egede, Aqqaluaq B. Nuk	<input type="checkbox"/> Petersen, Ane Tasiliq
<input type="checkbox"/> Lyng, Steen Nuk	<input type="checkbox"/> Egede, Mute Bourup Qaqortoq	<input type="checkbox"/> Petersen, Mads Narsarsuaq
<input type="checkbox"/> Madsen, Erling Ittoqqortormit	<input type="checkbox"/> Enoksen, Juliane Siमित	<input type="checkbox"/> Wille, Kasper Ballisat
<input type="checkbox"/> Melgård, Tom Kilsisarsaat	<input type="checkbox"/> Fontein, Agathe Siमित	
<input type="checkbox"/> Noahsen, Søren Qaqortoq	<input type="checkbox"/> Hammond, Isak Umannaq	<input type="checkbox"/> SIUMUT
<input type="checkbox"/> Peary, Masaua Aasiat	<input type="checkbox"/> Hansen, Ane Aasiat	<input type="checkbox"/> Andersen, Margrethe Thårup Nuk
<input type="checkbox"/> Petersen, Gerhardt Qaqortoq	<input type="checkbox"/> Hansen, Ane Marie Schmidt Siमित	<input type="checkbox"/> Barthelsen, Per Nuk
<input type="checkbox"/> Poulsen, Martha Bolette Nuk	<input type="checkbox"/> Heilmann, Nikkulaat Upernavik	<input type="checkbox"/> Broberg, Kristian Qaqertarsuaq
<input type="checkbox"/> Rasmussen, Godmand Siमित	<input type="checkbox"/> Henningsen, Juliane Nuk	<input type="checkbox"/> Driksen, Saxtorph Nuk
<input type="checkbox"/> Sørensen, Avgo Otto Aasiat	<input type="checkbox"/> Ingemann, Malene Siमित	<input type="checkbox"/> Dinesen, Hans Jørgen Nuk
<input type="checkbox"/> Thomassen, Ove Nuk	<input type="checkbox"/> Josefsen, Ivana Nuk	<input type="checkbox"/> Efraimsen, Richard Narsaq
	<input type="checkbox"/> Karlsen, Mimi Nuk	<input type="checkbox"/> Enoksen, Hans Kullorsuaq
<b>DEMOKRAATIT / DEMOKRATERNE</b>	<input type="checkbox"/> Kleist, Kuupik Vandersee Nuk	<input type="checkbox"/> Fleischer, Gert Umannaq
<input type="checkbox"/> DEMOKRAATIT/DEMOKRATERNE	<input type="checkbox"/> Ljungdahl, Olga Barthelsen Siमित	<input type="checkbox"/> Frederiksen, Evelyn Siमित
<input type="checkbox"/> Bligaard, Nuka Nuk	<input type="checkbox"/> Lund, Kalistat Narsaq	<input type="checkbox"/> Hammond, Aleqa Nuk
<input type="checkbox"/> Bildorf, Ulrik Nuk	<input type="checkbox"/> Lyberth, Søren P. Paasit	<input type="checkbox"/> Hansen-Kristiansen, Andersine Tasiliq
<input type="checkbox"/> Chemnitz, Allan Nuk	<input type="checkbox"/> Maqe, Henning Tasiliq	<input type="checkbox"/> Heilmann, Ruth Manitoq
<input type="checkbox"/> Christiansen, Palle Nuk	<input type="checkbox"/> Nathanielsen, Naaja H. Nuk	<input type="checkbox"/> Inanovlsen, Jens Upernavik
<input type="checkbox"/> Frederiksen, Jens Bildorf Nuk	<input type="checkbox"/> Nielsen, Jøkm Aasiat	<input type="checkbox"/> Jakobsen, Doris Nuk
<input type="checkbox"/> Hansen, Justus Tasiliq	<input type="checkbox"/> Nerbak, Stine Egede Qaqortoq	<input type="checkbox"/> Jeramiassen, Kristian Qaqertarsuaq
<input type="checkbox"/> Holding, Jeanette A. Nuk	<input type="checkbox"/> Oisen, Johan Lund Nuk	<input type="checkbox"/> Jeramiassen, Nikolaj Naqortarsuaq
<input type="checkbox"/> Jakobsen, Klara Ballisat	<input type="checkbox"/> Oisen, Kaali Nuk	<input type="checkbox"/> Jeramiassen, Vittus Nuk
<input type="checkbox"/> Jensen, Sussi Nuk	<input type="checkbox"/> Oisen, Peter Aasiat	<input type="checkbox"/> Johansen, Fritz Ilinaq
<input type="checkbox"/> Lange, Stine M. Qaqortoq	<input type="checkbox"/> Olsvig, Sara Nuk	<input type="checkbox"/> Johansen, John Paasit
<input type="checkbox"/> Martinussen, Tillie Nuk	<input type="checkbox"/> Petersen, Magnus Kullorsuaq	<input type="checkbox"/> Johansen, Lars-Emil Nuk
<input type="checkbox"/> Poulsen, Aviaaja K. Nuk	<input type="checkbox"/> Petersen, Naimangitsoq Qaasaaq	<input type="checkbox"/> Karlsen, Finn Nuk
<input type="checkbox"/> Rosing, Michael Nuk	<input type="checkbox"/> Rex, Astrid Flaischer Nuk	<input type="checkbox"/> Kielsen, Kim Paasit
<input type="checkbox"/> Svendsen, Svend Nuk	<input type="checkbox"/> Rosing, Inge-Marie J. Qaqertarsuaq	<input type="checkbox"/> Kirkegaard, Jens-Erik Nuk
<input type="checkbox"/> Thorleifsen, Sascha Nuk	<input type="checkbox"/> Rossen, Sofia Nuk	<input type="checkbox"/> Kreutzmann, Albrecht Kangeritsoq
<input type="checkbox"/> Uldum, Andreas Nuk	<input type="checkbox"/> Stephensen, Ole Qaqortoq	<input type="checkbox"/> Kristiansen, Mads Ole Qaasaaq
<input type="checkbox"/> Vahl, Ida Qaqortoq	<input type="checkbox"/> Thomassen, Laila Knudsen Nuk	<input type="checkbox"/> Kruse, Karl-Kristian Maqortat
	<input type="checkbox"/> Ziemer, Nikolaine Nuk	<input type="checkbox"/> Larsen, Mette Rasmussen Nuk
		<input type="checkbox"/> Lundblad, Ingvar Nuk
<b>KATUSSEQATIGIIT PARTIIAT</b>		<input type="checkbox"/> Lundblad, Karl Aasiat
<input type="checkbox"/> KATUSSEQATIGIIT PARTIIAT		<input type="checkbox"/> Lyberth, Kaj Qaqortoq
<input type="checkbox"/> Dalager, Hans Ballisat		<input type="checkbox"/> Lyberth, Karl Manitoq
<input type="checkbox"/> Frederiksen, Anthon Ballisat		<input type="checkbox"/> Marathe, Pele Kuluuk
<input type="checkbox"/> Frederiksen, Karl Nuk		<input type="checkbox"/> Markussen, Ole Aggo Qaqortoq
<input type="checkbox"/> Heilmann, Angutinguaq* Nuk		<input type="checkbox"/> Mathiasen, Apollo Saartut
<input type="checkbox"/> Johansen, Lars Qaqertarsuaq		<input type="checkbox"/> Mathiasen, Marie Lyberth Qaqortoq
<input type="checkbox"/> Olsvig, Villy Siमित		<input type="checkbox"/> Mikaelson, Vittus Maaru Tasiliq
<input type="checkbox"/> Schmidt, Aqqalu Siमित		<input type="checkbox"/> Melgaard-Motzfeldt, Ole Qaqortoq
<input type="checkbox"/> Tobiasen, Katrine Nuk		<input type="checkbox"/> Nielsen, Nick Ballisat
<input type="checkbox"/> Zeeb, Ole Sappas		<input type="checkbox"/> Oisen, Anders Namortak
		<input type="checkbox"/> Oisen, Hans Henrik Siमित
		<input type="checkbox"/> Oisen, Johanne Siमित
		<input type="checkbox"/> Oisen, Martha Lund Nuk
		<input type="checkbox"/> Oisen, Peter Søren Manitoq
		<input type="checkbox"/> Ostermann, Tom Nuk
		<input type="checkbox"/> Petersen, Lars Peter Nuk
		<input type="checkbox"/> Petersen, Timotheus Kullorsuaq
		<input type="checkbox"/> Qujaukitsoq, Vittus Nuk
		<input type="checkbox"/> Rasmussen, Kenneth Nuk
		<input type="checkbox"/> Rosing, Per Nuk
		<input type="checkbox"/> Sandgreen, Enok Aasiat
		<input type="checkbox"/> Skifte, Aqqalu Manitoq
		<input type="checkbox"/> Svendsen, Lise Nuk
		<input type="checkbox"/> Therkelsen, Jens Kristian Barasak
		<input type="checkbox"/> Zeeb, Aka Nuunu Aluitsup Paasit
		<b>KISIMIILLUTIK QINIGASSANNGORTITTOQ ENKELTKANDIDATER</b>
		<input type="checkbox"/> Madsen, Max Nuk

Taasinermi pappiaqqamut assersuusaaq

# Kapitali 5



## Inissitsiterneq

### ATAATSIMIIGIAQQUSINEQ

Inatsisartut Suleriaasianni § 1, imm. 1 naapertorlugu nutaamik qinersinerup kingornatigut sapinngisamik piaartumik, kingusinnerpaamillu ullut 45-t qaangiunnerisigut Inatsisartut inissitsiterlutik ataatsimiissapput. Ataatsimiigiaqqusisuusaaq ilaasortaq Inatsisartunut sivisunerpaamik ilaasortaasimasooq imaluunniit arlallit sivisoqatigiimmik Inatsisartunut ilaasortaasimappata angajulleq (sivisunerpaamik ilaasortaasimasunit angajulleq).

Inissitsiterluni ataatsimiinneq sivisuneeq ajorpoq, tassa ullunit marlunnit-sisamanit sivisuneruneeq ajorluni. Oqaluuserisassat pingaarnerit tassaasarpur siulittaasumik Inatsisartullu Siulittaasoqarfiannik qinersineq, Naalakkersuisunik qinersineq, ataatsimiititalianik pilersitsineq aammalu tullianik ataatsimiinnisap ullusaaq aalajangersaaneq.

### QINIGAANERUP MISILINNEQARNISSAANUT ATAATSIMIITITALIAQ

Qinersinerup kingorna inissitsiterlunilu ataatsimiinnisaaq sioqqullugu Qinigaanerup Misilinneqarnissaanut Ataatsimiititaliaagallartumik pilersitsisoqassaaq, tassani ilaasortaassallutik sivisunerpaamik ilaasortaasimasunit angajulleq kiisalu ilaasortat allat sisamat siulittaasumit toqqarneqartut. Inatsisartunut

Naalakkersuisunullu ilaasortatut qinerneqartut qinigaasinnaanerit pillugu Inatsisartut suleriaasianni § 1, imm. 3 aamma § 6, imm. 2 naapertorlugu Inatsisartunut inassuteqaasiornisaaq kisiat siunertaralugu ataatsimiititaliaq katersuutissaaq. Ilaasortat tamarmik qinigaasinnaanerit akuerineqareerpat qinigaanerup misilinneqarnissaanut ataatsimiititaliaagallartooq qinigaanerup misilinneqarnissaanut ataatsimiititaliamit ataavartumit taarserneqassaaq.

### SIULITTAASUMIK SIULITTAASOQARFIMMILLU QINERSINEQ

Nutaamik qinersisoqareernerup kingorna inissitsiterfiusumik katersuunnerminni kiisalu septembarip qaammataani Inatsisartut ukiuata aallartinnerani Inatsisartut ilaasortamik akornannit Inatsisartut Siulittaasusaaq siulittaasullu tullii sisamat isumaqatigiinniutigineqanngitsumik qinertassavaat Inatsisartut suleriaasianni § 3, imm. 1 naapertorlugu. Qinerneqartut tassaallissapput Inatsisartut siulittaasoqarfiat. Siulittaasup tullisaaq qinersineq D 'Hondtip periaasiani qanoq amerlassuseqarneq najoqqutaralugu pissaaq suleriaatsimi § 27 naapertorlugu.

## NAALAKKERSUISUNIK, ULLUIN-NARNI SULIASSANIK INGERLAT-SISUSSAATITAASUNIK, QINER-SINEQ

Namminersorlutik Oqartussat suliassaa-taannik ulluinnarni isumaginninnek Naalakkersuisuniippoq. Inissitsiterluni ataatsimiinnermut atatillugu Inatsisartut siullermik qinissavaat Naalakkersuisut Siulittaasussaat, tamatumalu kingorna taassuma Naalakkersuisunut ilaasortassat aalajangersimasumik amerlassusillit aqqisigut taasat qinerneqaqqullugit Inatsisartunut inassutigissavai. Naalakkersuisunut ilaasortaq Inatsisartunut ilaasortaasariaqanngilaq, taamaattoqassappalli Inatsisartunut qinigaasinnaaneq pillugu aalajangersakanik sukkulluunniit atuuttunik eqquutsissaaq. Ileqqut malillugit Naalakkersuisut siulittaasuat partiimut amerlanerpaanik qinerneqarsimasumut ilaasortat akornanni qinerneqarajuppoq.

Naalakkersuisut Siulittaasuat Naalakkersuisunut ilaasortat akornanni suliassat agguataassavai. Aammattaaq Naalakkersuisut Siulittaasuata Naalakkersuisunut ilaasortaq qinikkatut atuuffianit atuukkunnaarsissinnaavaa. Naalakkersuisunut ilaasortaq naalakkersuisunit tunuararluni nammineq kissaateqarpat Inatsisartut qinnuteqaat akuerineqarsinnaanersoq aalajangissavaat. Naalakkersuisut Siulittaasuata Naalakkersuisunut ilaasortaq ataaseq arlallilluunniit aamma taarsersinnaavai. Tamannattaaq Inatsisartunit akuerineqassaaq.

## SINNIISUSSAT SULINNGIFFE-QARNERLU

Inatsisartunut ilaasortaq Inatsisartunit tunuarumalluni qinnuteqaateqarpat Inatsisartut aalajangissavaat qinnuteqaat akuerineqassanersoq. Tamannali piffissani ataatsimiinnerit avataanni Inatsisartut Siulittaasoqarfiannit aalajangerneqassaaq. Inatsisartunut ilaasortaq peqqiilliornerminik, naartunerminik erninerminilluunniit, inuussutissarsiu-timinik assigisaanilluunniit pingaarutilimmik pissuteqarluni Inatsisartunit sulinngiffeqarallarumalluni qinnuteqarpat Inatsisartut Siulittaasoqarfiata aalajangissavaa qinnuteqaat akuerineqarsinnaanersoq. Aammattaaq Inatsisartunut ilaasortat Naalakkersuisunut ilaasortatut atuuffimminnik isumaginnissamik kissaateqartut sulinngiffeqarnissaat Siulittaasoqarfimmit akuerineqarsinnaavoq.

Naalakkersuisunut ilaasortaq peqqiillior-nini allamilluunniit pingaarutilimmik pissuteqartumik sulinngiffeqarnissamik qinnuteqarpat Naalakkersuisut Siulittaasuata aalajangissavaa qinnuteqaat akuerineqarsinnaanersoq. Naalakkersuisut siulittaasuat sulinngiffeqarnissamik nammineq kissaateqarpat tamanna Inatsisartunit akuerineqarqartariaqarpoq.

Inatsisartunut ilaasortaq oqartussaassusiiagaappat, ilaasortaanerminit tunuarpat, toquppat, sulinngiffeqarallar-nissaminut akuerineqarpat imaluunniit pissutissaqavilluni ataatsimeeqataasinnaajunnaarpat sinniisussaa Inatsisartut ataatsimiinnerinut peqataajortoqqullugu ataatsimiigiqquneqassaaq. Tamanna aamma pisassaaq Inatsisartunut

ilaasortap qinigaasinnaanermik annaasaqarneranik Inatsisartut aalajangiigaangata. Ilaasortaq sulinngiffeqarallareersimalluni imaluunniit pissutissaqavilluni ataatsimeeqataanngikkallareerluni Inatsisartunut ilaasortatut sulileqqippat sinniisussaa tunuassaaq.

Sinniisussaq tassaavoq inuk qinerneqartut allassimaffianni inummut kinguller-mut Inatsisartunut isertumut sanilliullugu amerlanerpaanit taaneqarsimasoq.

## ILAASORTAQ PARTIIMUT ALLAMUT NUUPPAT

Inatsisartunut qinigaareeraanni qinigaaneq inummut atassaaq, partiimut taasinerit aqqutigalugit tamakkiisumik ilaanakortumilluunniit pissarsiarineqarsimagaluarpalluunniit. Piffissap qinigaafiup ingerlanerani ilaasortaq partiimut allamut nuuppat imaluunniit attaviit-sungorpat qinigaaneq attatiinarnegassaaq pineqartorlu Inatsisartunut ilaasortaaginnarluni. Qinigassanngortitoq partiimut allamut nuuttoq piffissap ilaani peqataanngippat qinigassanngortittup parteereqqaagaa sinniisussamik qinerneqartut allassimaffianni allasimasumik aggersaassaaq.

## ATAATSIMIITITALIANIK PILERSITSINEQ

Qinersinerup kingorna inissitsiterluni ataatsimiinnermut atatillugu ataatsimiititaliat arlallit pilersinneqassapput. Ataatsimiititalianut ilaasortat ataasiakkaat D'Hondtip periaasia malillugu qinerneqassapput.

Inatsisartut inissitsiterlutik ataatsimiinnerminni, tamatumalu kingorna inat-

sisartut ukiuata nutaap septembarip qaammataani aallartinnerani ataatsimiititaliat uku pilersissavaat:

- Qinigaanerup Misilinneqarnissaanut Ataatsimiititaliaq
- Nunanut Allanut Sillimaniarnermullu Ataatsimiititaliaq
- Inatsisinut Ataatsimiititaliaq
- Siulittaasoqarfiup inassuteqarneratigut ataatsimiititaliat ataavartut allat

Inatsisartut taamatuttaaq inissitsiterlutik ataatsimiinnerminni upernaakkullu ataatsimiinnerit tamaasa ataatsimiititaliat uku pilersissavaat:

- Aningaasaqarnermut Akileraartarnermullu Ataatsimiititaliaq
- Kukkunersiuinerlutik Ataatsimiititaliaq

Ataatsimiititalianut ataasiakkaanut ilaasortat agguataarneqarnerat D 'Hondtip periaasia malillugu pissaq. Ataatsimiititaliat ataasiakkaat siulittaasulerlutik siulittaasullu tullilerlutik inissitsitissapput.

## OMBUDSMANDIMIK QINERSINEQ

Qinersisoqareernerit tamaasa atorfillu inuttaarukkaangat Inatsisartut Ombudsmandimik qinersisassapput. Ombudsmandi Inatsisartunit tatigineqarunnaarpat Ombudsmandi Inatsisartut soraarsissinnaavaat. Ombudsmandi suliarnik ingerlatsinermini Inatsisartunut attuumassuteqanngilaq.

# Kapitali 6



## Qinersinerit inernerinut takussutissiaq

### Ulloq 4. april 1979-imi qinersineq, qinigaaffiit siullersaat

Taasinerit katillugit:	Taasisinnaatitaasunit 28.665-init 19.951-it
Taasinerit procentiat:	69,6%
Inatsisartut Siulittaasuat:	Jonathan Motzfeldt, S
Naalakkersuisut Siulittaasuat:	Jonathan Motzfeldt, S
Naalakkersuisut:	Siumut (5)

### Ulloq 12. april 1983-imi qinersineq, qinigaaffiit aappaat

Taasinerit katillugit:	Taasisinnaatitaasunit 33.953-init 25.204-t
Taasinerit procentiat:	75,1%
Inatsisartut Siulittaasuat:	Jonathan Motzfeldt, S
Naalakkersuisut Siulittaasuat:	Jonathan Motzfeldt, S
Naalakkersuisut:	Siumut (6) (Inuit Ataqtigiit tapersersortigalugit)

### Ulloq 6. juni 1984-imi qinersineq, qinigaaffiit pingajuat

Taasinerit katillugit:	Taasisinnaatitaasunit 34.582-init 23.088-it
Taasinerit procentiat:	66,8%
Inatsisartut Siulittaasuat:	Jonathan Motzfeldt, S
Naalakkersuisut Siulittaasuat:	Jonathan Motzfeldt, S
Naalakkersuisut:	Siumut (5) aamma Inuit Ataqtigiit (2)

### Ulloq 26. maj 1987-imi qinersineq, qinigaaffiit sisamaat

Taasinerit katillugit:	Taasisinnaatitaasunit 36.998-init 25.764-it
Taasinerit procentiat:	69,6%
Inatsisartut Siulittaasuat:	Jonathan Motzfeldt, S (1988 tikillugu); Lars Chemnitz, A (1989-imit)
Naalakkersuisut Siulittaasuat:	Jonathan Motzfeldt, S
Naalakkersuisut:	Siumut (5) aamma Inuit Ataqtigiit (2) (1988-imi marts tikillugu); Siumut (5) (Atassut tapersersortigalugu) (1988-imi marsimili)

### Ulloq 5. marts 1991-imi qinersineq, qinigaaffiit tallimaat

Taasinerit katillugit: Taasisinnaatitaasunit 38.396-init 25.915-it  
Taasinerit procentiat: 67,1%  
Inatsisartut Siulittaasuut: Bendt Frederiksen, S  
Naalakkersuisut Siulittaasuut: Lars-Emil Johansen, S  
Naalakkersuisut: Siumut (5) aamma Inuit Ataqatigiit (2)

### Ulloq 4. marts 1995-imi qinersineq, qinigaaffiit arfernat

Taasinerit katillugit: Taasisinnaatitaasunit 37.556-init 26.134-it  
Taasinerit procentiat: 69,6%  
Inatsisartut Siulittaasuut: Knud Sørensen, A (1997 tikillugu); Anders Andreasen, S (1997-imit)  
Naalakkersuisut Siulittaasuut: Lars-Emil Johansen, S  
Naalakkersuisut: Siumut (5) aamma Atassut (2)

### Ulloq 16. februar 1999-imi qinersineq, qinigaaffiit arfineq aappaat

Taasinerit katillugit: Taasisinnaatitaasunit 37.485-init 28.490-it  
Taasinerit procentiat: 76%  
Inatsisartut Siulittaasuut: Johan Lund Olsen, IA (marts-november 1999); Ole Lyngge, IA (november 1999-december 2000); Anders Andreassen, S (januar-maj 2001); Daniel Skifte, A (maj 2001-november 2002)  
Naalakkersuisut Siulittaasuut: Jonathan Motzfeldt, S  
Naalakkersuisut: Siumut (5) aamma Inuit Ataqatigiit (2) (2001 tikillugu); Siumut (5) aamma Atassut (2) (2001-imiilli)

### Ulloq 3. december 2002-mi qinersineq, qinigaaffiit arfineq pingajuat

Taasinerit katillugit: Taasisinnaatitaasunit 38.375-ini 28.616-it  
Taasinerit procentiat: 74,6%  
Inatsisartut Siulittaasuut: Jonathan Motzfeldt, S  
Naalakkersuisut Siulittaasuut: Hans Enoksen, S  
Naalakkersuisut: Siumut (4) aamma Inuit Ataqatigiit (3) (2003-mi januaarip tungaanut); Siumut (4) aamma Atassut (3) (januar-september 2003); Siumut (4) aamma Inuit Ataqatigiit (4) (2003-mi septembarimit)

### Ulloq 15. november 2005-imi qinersineq, qinigaaffiit qulingiluaat

Taasinerit katillugit: Taasisinnaatitaasunit 38.924-nit 29.136-t  
Taasinerit procentiat: 74,9%  
Inatsisartut Siulittaasuut: Jonathan Motzfeldt, S (2008-mi januaarip tungaanut); Ruth Heilmann, S (2008-mi januaarimit)  
Naalakkersuisut Siulittaasuut: Hans Enoksen  
Naalakkersuisut: Siumut (4), Inuit Ataqatigiit (2) aamma Atassut (2)

### Ulloq 2. juni 2009-mi qinersineq, qinigaaffiit qulingat

Taasinerit katillugit: Taasisinnaatitaasunit 39.990-init 28.510-t  
Taasinerit procentiat: 71,3%  
Inatsisartut Siulittaasuut: Josef Motzfeldt, IA  
Naalakkersuisut Siulittaasuut: Kuupik Kleist, IA  
Naalakkersuisut: Inuit Ataqatigiit (6), Demokraatit (2) aamma Kattusseqatigiit Partiiat (1)

### Ulloq 12. marts 2013-imi qinersineq, qinigaaffiit aqqarngat

Taasinerit katillugit: Taasisinnaatitaasunit 40.613-ini 30.136-it  
Taasinerit procentiat: 74,2%  
Inatsisartut Siulittaasuut: Lars-Emil Johansen, S  
Naalakkersuisut Siulittaasuut: Aleqa Hammond, S  
Naalakkersuisut: Siumut (6), Atassut (1), Partii Inuit (1) (2013-imi novembarip tungaanut); Siumut (7) aamma Atassut (2) (2013-imi novembarimit)

### Ulloq 28. november 2014 qinersineq, qinigaaffiit aqqaneq-aappaat

Taasinerit katillugit: Taasisinnaasut 40.424, taakkunanit 29.489  
Taasinerit procentiat: 72,9%  
Inatsisartut Siulittaasuut: Lars-Emil Johansen, S  
Naalakkersuisut Siulittaasuut: Kim Kielsen, S  
Naalakkersuisut: Siumut (5), Demokraatit (2) aamma Atassut (2) (oktober 2016-ip tungaanut); Siumut (5), Inuit Ataqatigiit (4) aamma Partii Naleraq (1) (oktober 2016-imi)



[ina.gl/qinersineq.gl](http://ina.gl/qinersineq.gl) · [qinersineq.gl](http://qinersineq.gl)